

歸愚詩鈔餘集

歸愚詩鈔餘集卷七

長洲沈德潛歸愚

歲庚午遊黃山天台越十五年矣夜夢重
遊戲作歌記之

昔年遊黃山獅林絕頂能躋攀
兜羅綿現鋪作海
浮天無岸頓覺峰嶠成湍瀾
昔年遊天台穿雲直
登拜經臺五更海水忽騰沸
但見紅輪吞吐湧出
雲濤堆於今十五年筋骸竟頹敗
砌級苦難升欲
進時轉退扶持顛蹶憑童奴
有似附狼方走狽生
平不盡山水胸自忖無緣償宿債
宵來夢魂中意

興偏雄豪赤城與黃海中屐重遊遨涉澗清冷踏
泉石踰嶺迅疾追猿猱寒山拾得邀我觀空話禪
寂軒轅容成許我煉藥歸仙曹我謂兩山尚拘縛
凌空直欲窮寥廓一心不肯受籠囚兩大從知是
帷幕雞鳴夢醒留餘聲猶謂九點烟中尋五嶽

楊謙山同年焚香掃地圖

退朝息糾紛闔戶慎吾守縷縷藝都梁閒閒攜敝
帚

同到大羅天上歸來各有閒忙老我搬柴運水君
家掃地焚香

穿穴殘編似少時蕭蕭梧竹陰書帷畫師傳出天
然景直欲高風替左司

韋左司焚香
掃地而坐

漁歌三章題家醒士照

閒身不羨玉堂仙泛宅苔溪雪水邊醒時唱醉時
眠安穩生涯是釣船

東湖東去小蓬瀛

地名

相狎漁師蕩槳行同鷗夢濯

塵纓不著羊裘晦姓名

占斷鳬沙與鶴汀非夷非惠付沈冥携阿對喚樵
青欸乃聲中過洞漣

司徒廟古栢歌

司徒廟前四古栢不知何年生何年植銅根石榦
鐵作枝見者驚心動魂魄一株清憑空直上千青
冥伯夷之風表高節霜威凜凜栖神靈一株竒竒
在通體骨與皮自根盤盤到顛末宛然邪幅纏膚
肌一株古雷火燒餘中朽腐高空大可藏蛟虬四
面人圍倍參伍一株怪天工作意逞狡獪膠枝到
地仍撐空橫榦斜穿向而背從來樹木重以人孔
明廟栢傳千春司徒未必漢高密附會祠祀尊功
臣我來瞻眺三歎息百年日月同奔輪閱世有此
樹閱世無此身人生苟無三不朽蓬科一例歸泯

派

入西山作

積雨春山似廩秋漂搖冷艷那能留
我來擬作羅浮夢却值名姝欲墮樓

晴雪飄餘付淺莎旋看文杏發高柯
錢家礪畔花

為業一路紅雲漾綠波

礪傍太湖

過程自山逸園留飲兼讀其配生香詩草

逸園風物撻天真把晤清言出世塵
酌醴烹葵吐

嗟辦賣文錢缺也留賓

亭中對聯有賣文錢到便留賓句特戲及之

偕隱名山深復深唱酬逸韵泛清琴
從知霧閣雲

窓畔並協湘江屈宋心

積陰

積陰霏霏地蒸菌霧氣迷漫疑海蜃豐隆屏翳交
乘權羲御無光返輪軫矜張鼓吹鳴鵠鷗跳踉橫
從看蛙黽接旬霪潦河流盈倒灌平田失畦畛青
青菜麥根漸傷頗類病軀加癰疹遙聞浚河千萬
夫眠食泥中可憐憫自慙老老困書窓屋漏移床
就欄楯翹望金烏翔半空不問趙衰與趙盾方今
聖人覆同天要使萬物無一損重臣咸願體
聖心披腹告天積誠悃佇看大地回陽和天人感

應從來近

木皂

杏花村裏隸人過木強儀容側弁俄知爾賢於藥
卻後也同良吏善催科

疲癯殘疾憐無告此日奔忙有職司到處打門謀
醉飽淵明何用拙言辭

題張商言心鏡圖

明鏡鏡眼前心鏡鏡千古治亂與聖狂瞭如兩日
覩還以心鏡心默默判否可叶方寸本太虛浮雲
著何所無我中洞然萬端歸有主磨鏡仍此心終

身念鄒魯

贈張商言

少歲詞場得令名
子山兼擅柳耆卿
湘東金管留君處
五色雲霞腕底生

曉風殘月短長亭
數徧吳山魯岫青
過岱直須登日觀
紅輪飽看湧東溟

時將之
山左

閱溫體仁傳

烏程作相後險刻
媚深宮賢路一人
斷君心八載蒙

共相
八年

生前戕國脉死後
諡文忠今廁姦臣
傳千秋秉至公

歸舟一路所見

孤舟行不繫空負柳依依紅過化人域香來釀酒
扉秧齊覘土潤麥刈瘳農饑指點家園近微茫認
釣磯

賦得誰家新燕啄春泥

社燕更番到野塘春膏潤處掠偏忙頻穿穠綠勞
纖紫徐遣殘紅上畫梁牆淺不須桑土葺巢融猶
帶落花香主家可否烏衣巷似弔興衰訴夕陽

病起雜興

病餘乍起仗扶藜平視桑榆夕照西半世日中飛

野馬一身囊裏綴醯雞書多疑義思亡友語少同心憶故妻識得萬緣歸寂寞不齊物理本來齊

靜媿傳雲淡媿僧鏡中面目自堪憎齒無略似盧仝婢耳障還疑黃霸丞六月貯冰心共冷三年蓄

艾病偏仍遠人苦索新詞句勉使蟲蛇入刺藤時有

索詩并書者

偃仰蝸廬衰病時拂塵滌硯強支持一杯濁酒養生主半卷殘書來夢兒壯恥虛名同水涸老堅拙性怕冰漸何妨事事居人後此意生徒未遣知江村高卧免勞形飽看溪山眼倍青五字未能詩

換骨四家還慕畫通靈

元四大家中已難酬得倪黃二幅

聖主陳天保聊為鄉鄰講孝經只恐殘年未聞道
沒寧存順媿西銘

贈寫真陸星三

爾胡不寫褒公與鄂公凌烟高閣標英風爾胡不
寫羨門與安期大四海上同遨嬉爾胡不寫石崇
與王愷錦幃珊瑚鬪財賄區區偏寫歸愚叟六虱
中有斯人不胸無一物湛苦吟享以千金寶敝帚
年來軀體傷龍鍾目暗耳聾面梨耆寫真且莫全
形神恐使旁觀嗤老醜雨笠煙蓑及好春東阡南

術課鋤芸能安下濕陶潛業不惹西風庾亮塵寫
余擊壤偕田父同作堯天耕鑿人

病餘

耄年病體強扶持方寸粗安便當醫閒裏尋忙種
花藥動中得靜夢黃羲山光欲活同人玩書味難
名偶自知物我恬熙歸造化太空不受本無私

閒中

閒中間見日紛歧擾擾膠膠付五噫細閱顛當成
網處靜看蠅蠅上牆時海枯乍息千層浪柯爛纔
終一局棋心似碧空無點翳羊腸蛇退亦平夷

書劍南詩稿後

杜陵詠收京眼見安史滅放翁志復讐欲飲金人
血八年奉檄梁益間冒雪射虎來南山出師二表
感前軌輪困肝膽思追攀夢中上馬能殺賊赤手
奪得松亭關那知淹留虛左券改調東南成浪漫
適興惟探山水窟入朝肯伍麒麟桓冉冉鬚毛無
可白達觀轉覺身為患病體追思卷白波彌留還
望恢赤縣六十年間萬首詩杜陵風格是師資兩
公莫作詩人看大義公忠並屬之

劍南詩草多瀆多中間豈無複與譌後人嗤點大

容易以枚數闔傷繁苛

朱竹垞太史

名篇堆積若蓬葆

得精遺粗貴檢校忘身報國表孤忠切理厭心聞

大道來讀晦庵新著書

放翁句

盛氣豪情期一掃醉

猶溫克夢齋莊外物不移仁義飽

放翁詩中語意

杜韓後

勁眉山公詩筆回斡分天功一爐鎔冶金銀銅異

世誰人許接武劍南老子堪追踪仙才學力各分

擅曲則異矣功歸同宗唐祧宋非吾事繼續東坡

有放翁

食蜜浸荔支因憶往年

賜荔事成二斷句

側生蜜漬自炎方玉質依然失味香因憶東坡遭
謗日轉因貶竄得親嘗

丹荔當年貢七閩盆中采摘

賜嘗新擎歸二顆爭傳看共道

天家厚老臣

時賜諸王二顆餘皆一顆德麟以
假歸還朝亦賜二顆蓋特恩

也

又病

詩病多於馬我病多於詩耄年如枯木病又摧其
枝縱遇李八百恐亦難醫治庶幾空寸心無思自
無為絕物既未能清淨知何時委順還虛無怡然

馬氏言金創集
靜族之

陳礪逌同年南歸來晤

十載陳留遠俗塵歸來魚鳥亦相親敢辭能吏為
循吏不棄陳人念故人筐篚盡除仍樸學炎歊相
對似陽春他時更結枌榆社知水仁山共有鄰

書錢彥仲同年詩草後

翩然辭祿賦旋歸寄示新編墨乍晞古體不難歌
競病樂章直欲擬妃豨烹鮮力瘁蘓窮轍愛日心
枯失晚暉本為養母辭官歸里喪親幾於滅性愁苦語多歡樂少咀
噙我亦起歡欵

瀆川歸舟即目

雲山平遠斷還連，路入清谿散術阡。
收網漁翁沽白小，持鹽隣姬聘烏圓。
俗諺以鹽換描曰聘三家村口仍聯社，
萬斗渠中盡藝田。無象太平誰續出，
秋歌聲裏樂豐年。

咏史

紛紛猿鶴與蟲沙，漢末唐衰付歎嗟。
標榜過高成黨錮，驅除不密禍邦家。
為傭樹屋方離患，以杞包瓜可去邪。
披讀史書占易象，和平中正協亨嘉。

題觀朝槿圖

長言金食集
朝看紛紛開暮看紛紛落朝開暮落落復開畢竟
浮榮歸寂寞主人習靜山中去霧壑雲巖不知處
飽聽澗水與松風日夕清冷淡塵慮炙手鄭楊段
薛家向榮自許無垠涯江河倘作西流水世途自
合趨穠華君請看木槿花

觀捕魚

設網提網密捕魚鷗鷺更放滿河渠何如留取鯢
鯢種更待他年五寸餘

覽平準書

平準功名世共沿紛紛紆體國各爭先銅山料得君

家有可向天公買少年

田家四時辭

杏花著雨半村開隴畔聲聲布穀催父老連年輸
稅早料無縣隸打門來

炎天耘耨困耆童田水如湯急赴工七月詩篇無
此景故應寫出補豳風

蟲賊盲風雨不傷四郊共送稻花香償租還可藏
餘粒轉憶前年饜粃糠

無煩隣女夜舂寒戶戶盤匱勸飽餐社鼓散餘田

父醉扶歸更飲合家歡

吳俗大小除宴
飲名合家歡

自答

蹇步聊乘下澤車，衰年客感未全除。
言多散漫周防懈，夢少齋莊功力踈。
孤負歲華儕衛武，緬懷風樹泣臯魚。
朋交近寄童時課，有媿青燈誦習初。

寄余少時會課文者

閱晉書暨南北史作

女禍從古盛，司馬氏尤烈。
賈充女為后，嬖暴無比。
埒毒弑太后，楊父駿首領。
絕旋殺太子，適黨惡助。
姦黠惠帝任，拘攣眾憤那。
可關起兵趙王倫，誅后。
斷蠶蝟八王互吞屠，骨肉無苟活。
內變既舛常外。

寇自竊發劉淵擾中華群胡亂如髮天子服青衣
帝后事撿羯界分南北朝六代共爭奪拓跋魏較
賢餘俱嗜誅殺天地何無情江山日流血大單于
為始宇文贇為末二百八十年豆分而瓜裂揆厥
禍所由一女肆顛譎兵戈起掖廷仿佛宗周威易
象占家人順巽利貞吉家正天下正威如匪剛決
讀史準卦爻永以樹圭臬

張魏公

殺曲端薦秦檜富平失符離敗末路殉國矢復讐
功罪紛綸一身備南軒令子儒者宗溯源厥考德

與功行狀萬言表公忠誰作文朱徽公

韓蘄王墓

硯山山下蘄王墓祗有墓門無宰樹穴旁祔葬公
夫人一門忠義英靈聚鬼戕佐命定勲碑代遠不
磨鬼神護維王生值昏庸朝誓雪國恥心堅牢剪
除苗傅安帝位帝書忠勇褒功高金人趨江覘形
勢江畔伏兵潛布置鼓聲乍動廟兵出三騎竄亡
禽二騎軍令江中鼓響岸兵先入廟兵旋出金人
五騎來窺廟兵聞鼓先出止獲二騎兀术
墜馬跳兀术轉戰欲渡江邀擊江中擄其壻鐵綆
而免拽船窮勢窮使船如馬南軍雄八千卒拒十萬衆

金人不復窺江東宣撫兩淮兵力勁鏖戰大儀出
奇陣中興武功誰與匹惟有岳侯並忠藎和議甘
成寵賊臣金牌速召岳家軍功廢十年地俱喪獄
成三字天為昏九宇英雄盡解體一人明哲聊全
身閉口不言當世事西湖跨蹇同齊民縱酒酣嬉
病而死名山窵窵藏煙雲即今饗祀久湮缺榛莽
半鄰狐兔穴道旁過者竦形神遙望穹碑重英烈
縱令碑毀邱阜平名姓中天光日月棲霞古墓向
南枝兩地神明共昭揭君請看秦家穢冢石城邊
穢德彌天不見天何須兵馬遺洩溺遺臭千年更

萬年

郭月巖前輩寄示詩稿并贈詩六斷句作
此奉答

披卷如聞焦尾琴體兼鐘鼎與山林
綴餘金玉雕鐫語撝協雲嵐韶濩音

前輩風流愛景光林園養靜壽而康
憐予後進如同學量校年華長十霜

病軀乍起辱相存粗糲家餽華門不遣白衣來
送酒知予斷飲棄匏尊

塗抹麤才浪得名未聞雅奏韻和平
知公繡出鴛

鵞好可許金針付後生

聞蛩

鶴警聽初罷幽蛩又續鳴報寒依四壁弔月到三更
唐魏風雖改夷商氣自清感秋思覓句和我苦
吟聲

過澗上草堂懷侯齋先生

草堂岑寂四無鄰舊結衡茆養性真共信臺佟漢
遺老翻憐嵇紹晉忠臣心中有史應沈井畫裏無
塵不著人此日攜筇訪邁軸沙泉還復漾清淪

任同知新祠

明嘉靖中倭寇南侵所過殘破任環為
蘇州同知與力戰身幾危時有難民萬
餘來奔開城全活之後屢斬級立戰功
詳見曹邦輔附傳中倭滅後吳中祠祀
久為二氏占今擇地鼎新仍春秋祀見
人心之公也作詩紀之

瘦同知涖吳中日倭寇兵戈力獨當身受三創拚
決戰城留萬衆活逋亡荒祠鳩踞棲龍象新宇鳧
趨藝版香寄語分符司牧者卹民擇患是官方

傷足口號

傷足難瘳並子春下堂蹉跌過三旬一身痛楚猶
堪忍行殆惟慙辱二親

拊摩不寐恨更長鼠耗燈殘夜未央盼望曙光猶
望赦寒雞初唱月如霜

一體傷餘四體困屈伸轉側捻艱辛初無蜀漢春
秋筆也使旁人喚半人

獮不能行走且僵病夫同病強扶將莊生漫說雞
三足兩足偏教一足傷

入朝久合攜筇杖自恃平安忍受侵此後倘能還
舊質敢忘履薄與臨深

題練塘圖 陳煥畫

練塘風物吾曾領，讀畫如逢舊釣磯。
老樹綴花偏有韻，閒鷗入夢自無機。
山容缺藉雲來補，水勢高疑岸失圍。
一葉輕帆訪遺逸，蒼葭何處掩柴扉。

題訪芳林丈

偶述

胡椒八百斛，珊瑚三尺株。
多財賈大禍，千古笑其愚。
胡來蚩蚩廝，養卒乘罅罅。
一朝穿利窟，邯鄲來嫁。
有名倡垣窳，常充不祥物。
道旁嘖嘖羨餘風，謂是錚錚鐵中傑。
俄然天上麗刑章，灰燼家園成一塊。

吁嗟乎此曹顧財不顧身士人只合甘清貧安樂
寓中無限春

答竹谿諸詩人

詩教閱古今溫厚歸一揆詩何嘗愚人詩人自愚

耳苟且就淺夷黃茅與白葦關異矜幻荒蛇神燕

牛鬼詩壇日以盈誰歟究宗旨吳江竹谿社同川

質中招同志諸人每季課詩于較書巢俊才並有斐炎月結詩課角

藝執鞭弭我時移扁舟荷風送涯溪來過校書巢

遠香散柴凡入座禮讓餘披讀古今體性真驅氛

埃清風掃糠粃諸君轉降心退馬就條裡贈我新

詩篇願言侍杖履謂我識途馬舊卒疾於駛今雖
伏槽枥猶堪越槍壘發蹤指前途導引逾千里我
為諸君言識昧緣暮齒初無誘進方惟期遵舊軌
靈明為之與紀律為之軌駢新藉文華運轉憑驅
使盎然流神韻粹然協宮徵功深不計功溫厚諧
正始諸君各努力老我行休矣

筌篲引

驚濤半空立顛風當斷渡何來野叟欲渡河小婦
挽之那能住飢蛟方伺人翁乃果其腹婦彈筌篲
哀歌當哭旁人聽之傷心慘目人知渡河翁喪身

詎知無形之河常臨人一朝忽失足性真日淪汨
茫茫名利塲四方上下肆奔突到頭沈喪狂瀾中
賸有敗名為口實閨中亦鼓廿五絃聞者嬉笑誰
哀憐

病中偶憶史事口號五章

獻帝拘幽帝業虛遠藩奉表帝劉虞

虞亦帝室之胄為幽州牧

有仁政青徐士庶歸者百萬表紹

堅辭欲避匈奴

去忠蓋偏遭賊瓚誅

為公孫瓚所殺

武曌改唐諸武盛獨餘攸緒謝朝纓携妻並入空

山老腥穢鼓中冰雪清

唐高祖不受宮妻即武后女更難

陳橋兵變事從容禪詔徐徐出袖中五代史成歐
永叔未聞直筆表韓通

齊黃橫議削藩封燕邸兵強計畫窮瓜蔓並抄功

罪異難同練鐵並稱忠

齊黃未路罪更在奔竄

馬阮人頭而畜鳴惟漁聲色戮忠貞天心東眷開
昌運不禦

神兵禦左兵

書白司馬琵琶引後

江州司馬遭遷謫聽罷琵琶淚欲枯爾日蒼生未
寧靖儲將痛哭比唐衢

不寐感懷

足傷逾兩月入夜竄孤清人靖鼠羣嘯天寒雞失
鳴循名慙未實祛過檢偏盈病體何時減春和或
許輕

贈顧花橋

藝苑相於五十年吳中耆舊未能先選驂意度鎔
無迹遷固丰裁握有權共信春和歸杖履并教都
養脫蹄筌兒曹也復傳家學雨露行看潤海壖

和作

顧詒祿

閑世遙遙望百年

離宮佳會聖居先

會九老於香山行宮分三行聖

窺尋

聖藻如師弟

詩云御製時天子門生更故人

賜管領名

山即事權扶杖松間開鶴柴垂竿溪畔棄漁筇春

來迎

駕冰

恩旨二老無勞溯水壩

新奉陳羣

常州迎

命公偕錢尚書駕前次

賜詩有二老江浙之大老句

題王受南小照

玉山文謨

往歲論文金粟田

相傳預仲瑛讀書處

友朋師弟聚聯綿於

今圖畫重相見雲散風流四十年

秦淮移棹

秦淮秋漲水平鋪長板橋邊問酒鑪自別省闌空
想望燈船仍到石城無

潼關曉度

潼關天險勢崔嵬四扇門中輕騎來空際河聲連
嶽色心胸眼界萬重開

曲江春眺

杏林猶見幾株紅唐代題名一掃空直上慈恩高
塔望秦關百二亂雲中

龍門觀瀑

飛流萬斛下龍門
曲折成河到海渾
人世並疑天際落
何須絕頂上崑崙

榆林觀獵

榆塞相逢校獵徒
風毛雨血灑平蕪
漁陽吾侍

天家狩

乙丑春從駕觀獵

圍合中藏八陣圖

棧道秋風

蜀棧盤盤欲上天
狂飈鼓動落烏鴛
殷勤將事忘夷險
來往均如度陌阡

灞橋餞送

西土參軍十八年歸途餞送灞橋邊清風明月俱
將去劉寵無須撿大錢

甲申除夕

四序除餘病尚淹青燈枯坐類瞿曇此身剩有筋
皮骨明日居然九十三學道半途年力邁迎

鑾近地

聖恩覃旨諭迎駕在常州潭山斗柄梅開日可飲清香住

草庵

和作

錢陳羣

經學桓榮老愈淹修眉廣額一雲曇詩篇行世百

千萬年紀過予一十三

賜杖雙攜承

眷渥

溫綸同拜被

恩覃從今莫負探梅約林屋叢中共結庵

歸愚詩鈔餘集卷八

長洲沈德潛歸愚

正月二日小讌歸愚齋諸君有詩余亦繼作

元辰乍過氣晴明聊簇辛盤聚友生
揖讓雍容賓有禮景光韶噩雨無正
祗談風月成佳會不寫牢愁信善鳴
計日羣才逢

名試欣看鳳羽集蓬瀛

時座中友有
應名試者

新正二日讌集歸愚齋即席呈誨

王廷魁

上日纔過候蓬瀛淑氣深早懸新剪勝明之十日立

春重接舊華簪詩酒雲龍會文章天地心臘殘

梅未破計日侍幽尋

題劉源字仲院國初人凌烟功臣圖

曹霸曾貌凌煙閣上諸功臣二十四人各有神此
畫世遠久磨滅祇餘杜陵詩句留其真於今復見
劉源筆顚續古賢望堂室滿紙生氣氣絕塵宛是
唐家舊人物長孫柄國傳憂勞鄭公嫵媚容能描
永興德藝備五絕正直和藹看風標其餘猛將彪
而弭長戈大戟千人英倘遇強敵身逾輕疾疑天

馬驚比鷹中有一將尤錚錚鬚髮半白顏猶頽袒
衣徧露刀箭傷損人皆驚知是鄂公被謗後一雪
晚年欲反之惡聲曹將軍畫幾步武畫院衆人首
俱俯劉源畫名許

聖祖此圖傳觀出

天府當時

世祖定鼎多從龍蕭曹絳灌來沛豐運籌決策幃
幄中忘身酣戰成奇功源乎源乎爾與諸公出入
金華殿可曾一一下筆開生面

漁

志不在得魚得魚亦不賣人超夷惠間興寄烟波外

樵

嶺魚野獠升斫取自然利終日無機心險夷捨一視

耕

婦女勤餉饁彊以同聽命和風滿溝塍夏畦未為病

牧

牧牛牛自肥肥在節勞逸勿令牧牛人獨得意養

術

梅影

月上西牆橫瘦影，
翛然畫出景森沉。
微微似帶冰霜氣，
淡淡還涵天地心。
翠羽飛尋難著迹，
美人入夢暫留陰。
老夫欲折無從折，
白髮盈頭那許簪。

春草

紅紫禁寒畝乍萌，
如袍青草已敷榮。
托根不喜依城市，
抽葉何妨近芷蘅。
霞外遙看生意滿，
雨餘入望淡煙橫。
康成書帶非他族，
道趣相關無限情。

泊舟白家橋雨雪中迎

駕

雪點寒梅雨灑塵迎

鑾小艇泊河濱遲洄水次雲凝棹沾濕花間香惹
身臣病未嫺三跪禮

天言有喜十分春從茲南服承恩渥霖霖融餘萬
彙新

奉

勅再詠攝山十二景仍次前韻

名山先得水旋環儼明鏡不須架雙槁已奪北樓
勝長隄界飛虹霞光兩分映移步境漸深梯巖匪

遼曼憑茲山水清一洗障礙淨中心有鳶魚觸目
皆飛泳

右采虹明鏡

烟霞能笑人此地煙霞最幽幽二水合取象比重
允疊石安雲巖兩泯觸與背古木石罅蟠枝條勿
剪拜明知僧紹域忘却龍潭界久憇不忍離超然
塵劫外

右幽居

老僧住高臺臺下繞碧澗同人話箭鋒道着許分
院繫余本鈍根空抱人天願觀水未探源一勺亦

旁濺想象祝融師坐卧冰崖汧祝融般了茲般若
緣萬境歸夢幻

右般若臺

春雨本無色著樹染穠冶深山空翠盈天桃忽飄
雨逐波流空明真般若無文乃有文悠然我
心寫試問諸陶潛同寓言否也

右桃花澗

傑閣雲滿梯對面石為障迴抱如屏風界畫露形
相奇巧成自天鏤斲不待匠

鑾輅幸南服

幾餘臨閣上清泉穿石鳴古樹交花放紫氣從東
來光華慶雲狀

聖人明四目千里憑一望

右紫光閣

管寧蹈東海所帶惟白帽後人重烏紗石名徒衆
好名紗實德庶不刊虛聲徒強釣

帝易玉冠峰鄙見落葉掃圭壁比衛武人與玉維
肖令名傳無窮光遠真有耀

右玉冠峯

越嶺遇層崖崖上鑄千佛一人懷一心千佛心則

一是佛即是心心惟濟物濟物與物忘無須坐
巖穴迷津滿塵寰何處求寶筏有相非相間領取
心披豁

右千佛巖

山多齊梁松取幹不取色九株尤瑰奇如逢百夫
特圍抱剩有餘參天渺難極

聖人兩詠之典重自申錫秉性得中正立體挺孤
直散材避成林衆鳥不敢息比似盛世臣弼諧壽
平格

右九株松

昌黎詠南山山石瘦蕪皺攝山重沓堆似起而忽
伏鵬怒仍斂翼馬逸復迴驟宛宛濤浪紋變此穹
谷岫疑是愚公術移山使之走動靜無定形轉恐
驚獠狖

右疊浪崖

衆木取敷榮長松貴整肅九株俯萬株萬株俯業
竹朱秋疑先秋時燠每忘燠延緣上高臺鬚眉頓
然綠尋幽客少過濃雲滿虛谷

右萬松臺

良工認山脉別泉去浮滓白鹿分真珠亦泉名一往

民言金角集 卷八 奔清駛惜如高隱人潛藏重崖裏

帝心欲引導流注下郊里歲歲潤原田

君民大歡喜

右白鹿泉

從狩升層嶮無力亦須努置身竄上巔下視皆平楚

至尊如履平

命傳輿與馬叶長江萬里流四望徧島嶼文武左右侍風雲從龍虎蕩平撫當今戰爭弔往古微臣才力弱詎敢懸抱鼓磨歌達仙都為仗西池娃

右最高峰

奉

勅再詠焦山古鼎仍次前韻

京江南岸山如屯江心金焦比第昆海門東去渺
無極直欲包乾而括坤焦山古碑銘瘞鶴舊書磨
滅形空存惟餘古鼎紀周代寶座不用龜趺蹲質
分砂丹雜瓜綠神留月魄兼冰竟周文周宣爭剖
析轉同刻舟求劍痕往年過此曾載筆自慙磨磨
誠小言雪泥鴻爪偶疥壁山樵野牧俱摩捫
至尊停

鑾一揮灑大如環海高崑崙後人那敢重吐綵布
鼓詎合來雷門迴視新城二王作士祿銓曹士正司寇皆有古詩
小水傍海波流渾遂令維摩方丈室光耀重比天
蓉園方令

翠華復經此春分星鳥明深昏仍前盤屈押強韻
鼓鐘合樂聲於論氣象萬千摠可攝雲夢八九何
妨吞維時寶鼎發光怪江光擁護烟雲奔况逢
天藻耀九宇龍文鳳翽瞻

重閣

清明日讀楚辭作

病體纏綿勢莫支
兼旬風雨正愁時
一百六日過寒食
二十五篇披楚辭
乍聽簫童稚集長吟
山鬼士林悲鄰家
聞奏旗亭曲新火
光陰寫艷思

彭亦武園居

編籬剪棘庾園成
卉木無機適性情
新放小紅低

抱蝶舊存穠綠暗
巢鶯堤通示浦宜
栽葑

吳王時東南門

名示浦後易葑門

水接滄浪便濯纓
莊惠之間聊寄興
利

名以外樂平生

宋懋亭園居

館面南城谷枕涯
文園不立洛陽街
詞分古本珍

金縷花記先開篆玉牌引棹入門池比鏡

引河水從橋下

入門可移棹

留賓劇飲酒如淮護庭春永宜男

草茁敦

敘天倫樂事偕

王方九園居

傍水誅茆坡壠平平章品物亦勲名養魚自許知
魚樂種菊何妨餐菊英俗慮本無無用滌生機富
有有誰爭鄰園主入紅塵去未便清流更濯纓

食櫻桃作

包山野客餉朱櫻并起嘗新感舊情隔冷不妨資
內熟年衰尤覺助神清勾圓追憶嚴親賜傾竄

遙傳京口城

余素愛櫻時館於此日孤生念前事

餐餘惟有涕從橫

袁鼎上新娶旋別數載不歸因作新婚別

詩同杜題不同杜意

季女初歸作苦妻匆忙言別又歌驪辛壬癸甲身
旋出南北東西路不齊燕子梁間短歎花枝樓
上笑單窗雷聲隱隱車聲似果否蕭郎歸馬嘶

題家坳堂觀生小照

觀我生觀民生所貴克己心和平此心歆然不自
滿民之渭涇已渭涇東田歷政粵黔楚邇年又蒞

江之許民風土俗分剛柔到處窮檐無失所於今
帝命仍楚南陳時臬事君能戡觀我觀民兩无咎
要使中正蕙慈嚴披圖如浥太和氣卉木流泉摠
生意

題李漪亭照

出處分兩途行藏實一揆結念樂煙波縈情戀符
璽膠固終其身孔顏之所鄙吾友陳臬事欽恤寸
心裏刑期協于中燕息無刻晷政靖偶蕭閒興趣
寄山水天機活潑餘何處留塵滓畫師解其意點
筆脫金紫峭壁瀉流泉秋林入杖履隨意采苓蘅

忘却宰官矣他時任封疆責重在寧救神游五岳
間九宇落眼底妙手更傳神栖情到無始

姜念劬琴鶴歸舟圖

棄官輕一葉短棹泛閒身楚澤煙波遠吳山猿鳥
親三生石上話九老會中人歸與九老會自得衡茅趣
相期善養真

鶴飛天末去琴暫案間留地隔宣城隴神依諫草
樓家聲承四世樂意寓三休圖寫歸舟景還後景
外求

題毛士尊遺照

孝笋不逢慈竹護半竿那許上凌霄綠垂風折人
同殞魂散惟聞少婦招

嫠婦持家那可持無田艱食又無兒常瞻遺挂聲
幽咽慙是哀猿腸斷時

題朱蓉溪待漏圖

述職趨

金闕宮壺漏未殘玉珂晨騎列銀燭曉光寒民隱
諳艱苦封章上治安回車猶戀戀翹望五雲端

朝罷圖

朝罷花林遠初陽露欲晞徐徐收玉策款款換宮

衣蘭茁家兒戲桃夭素女依功成歸故里來往釣
魚磯

病體

病體空齋坐薰旬正面墻形儕習鑿齒碑薄段文
昌時溫平淮西碑架上書千牘園中八百桑永懷無一遂
老去捻茫茫

愁

春日逢霖潦炎天又旱乾時間米價貴那許寸心
安況值強梁輩常探黑白九大臣勤勦撫應已奏
金鑾

漢宮詞

秋風停扇時宜退
內苑逢熊身獨當
漢室不應滋禍水
燕飛那得入昭陽

唐宮詞

寵愛三千并一身
他生海外許相親
江妃此日無梳洗
況是上陽白髮人

漁陽鼙鼓

漁陽鼙鼓震如雷
合隊楊家宴年回
飛騎紅塵馳告急
宮中猶認荔支來

古意

往歲辭家楊柳青
兩年西北任飄零
南歸書到人
東去風裏楊花又化萍

蘓李泣別圖

少卿相送子卿還
南望迢迢入漢關
賸有交情難忘却
涕零不是念家山

旄節摧頽仍自持
塞垣客餞涕漣洏
漢臣亦有懷然處
此後從無會面時

故友分飛類轉蓬
歸來皓首已稱翁
茂陵經過應垂淚
玉露金盤望裏空

李高士客山飯牛遺照

飯牛柳下飽青莎牛與人同戀澗阿不用之齊更
之楚何須扣角起商歌

君携隴畔驅牛策我泛溪頭放鴨船披畫追尋少

年事南皮聚散渺雲烟

予與客山定交
年止三十

戲為捉搦曲

吳王宮中開雙井虎邱巖前下雙綆女兒在家枕
去孤枕胡弗早嫁合雙影

世間那有苦甘蔗女兒哭泣緣出嫁喜心翻倒淚
欲瀉閨閣中人同五霸

秋晚

山低去鳥路人聚晚霞天一水明殘照孤村上暮
煙牛羊歸斷阪鳬雁集平田舉目天然畫松年未
易傳

劉松年自謂
最工晚景

梅

冰肌澹澹凝清霰鐵骨稜稜卧野雲國士無雙許
持贈名山子立有誰羣

蘭

不隨薺麥茂幽林種避當門免見侵人世何妨無
采佩已邀尼父賞貞心

菊

叢桂零餘吐晚香
籬邊相遇即柴桑
絕無穠冶人爭重
只為柔枝耐得霜

竹

千个放梢能却暑
一生抱節更虛中
北窓相對靖無事
消盡閒心付太空

梅 和作

戴奎

戍削通身清十分
返魂香動靜中間
東皇太乙君先占
獨向嚴寒擁白雲

蘭

猗蘭空谷自成叢
不與凡葩較異同
造化生機

本無限艾蕭各自領春風

菊

挿援扶弱斷歌斜白露團餘旋吐花佳色可餐
隨處有而胡品重獨陶家

竹

滿塢蒼筤澗壑陰炎囁那許到幽林山王嵇阮
人傳寫誰識淇泉君子心

吏胥

吏胥如虎狼秉性在吞噬遇虎狼可逃遇吏胥難
避猙獰奉官符到處肆怒罵雞狗不得寧全家受

鋒刺無計驚兒女聊以供飽醉牽累及里鄰拘繫
同嬉戲虎狼不能飛此更添兩翅虎狼不成羣此
更千百輩官能吏亦能如指臂使器誰云是虎狼
快比千里驥民俗漸凋傷天心自仁愛騶虞得天
心仁風被草萊不須用殄戮久久化醜類虎狼亦
回心共慶民攸暨

老境

九十三年序屢更倩人扶持似孩嬰耐貧自信能
安素多病天教學養生耳患對賓添堅笑心枯走
筆類荒僉故交漸次歸零落歎逝臨風涕泗橫

難將蔗境擬頽齡坐卧無時失靜寧聽世務迷南

北戒

唐一行分天下為南北二戒

下堂堦歷短長亭漫云方寸

歸夷白自笑詩篇付殺青

歲鏤一卷

取暖晴窓動憐閔

凍蠅點點困疎櫺

庚申歲泊舟燕子磯遇默默上人云夜夢

客入寺即君之儀容前緣也屬寫贈言因

題二語贈之時默默年九十有三詢其名

云興洞歲辛未

皇上南巡興洞迎

駕江干

上賜以詩時年一百有四矣後消息杳然夜上人
入夢未知生存與否因成是詩

燕子磯頭逢老衲杪櫂樹下話前緣翳予素體無
言教知爾能參不語禪

天子賜詩褒佛子地仙得壽奉金仙宵來夢寐重
相遇遙望江雲意惘然

廣南士人述惠仲孺學士督學始末因系
以詩

文驅積弊崇根柢節礪炎方首潔清為整官常因
下石有藩司某欲抗行學士奉勅抑之其人晉卿貳固誣奏尚餘人色且

修城羣經䟽解垂彞訓多士孫曾徧誦聲配食韓
山同趙德薦馨只合采荃蕳

戈氏洋松歌

主人南屏有詩

戈氏庭前海雲聚下有東洋一松樹寸寸節節生
橫枝翠潤疑承雨初澍島酋移上蜚人船萬里天
風鬼神助途長物少價直昂得者快如得玉璫衆
為主人言中邦罕此奇秀株岳麓雙松久焦枯泰
山五大夫松安在乎峨眉頂上萬年不長之松存
畫圖此松搏桑旭日常照耀根堅幹挺珍中都我
為主人言所見短而淺大夏偉觀未掛眼攝山山

半萬樹松九株雄長如羣龍兩人合抱未能抱中
正直上凌蒼穹

至尊作歌泐巖石比似九老思旧贊贊襄天工

時舉

九老會

方今聲教徧四海日本漸被天之東倫常文

物一變徐福舊草木亦長中華風主人間言開拓
心胷洋松竊比攝山樹何翅江黃仰視荆楚頻執
鞭弭相追從

偶感

飛蛾投烈燄螳子溺脂膏今人多戀貝忘却利旁

刀

曾貫之之陝雷履吉之川均來乞詩合賦
以應

軼士誰為境地囚揚鑣分路向雄州秦 扼險風

雲 甸道盤空猿鳥愁兩服兩驂過白狄三朝三

暮下黃牛送君我亦添豪興夢寐追從賦遠遊連下

四章舊詩遺軼附錄於此

偶述

乍離豹尾來南國未習龍韜領武功絃管聲中消
永晝蕙蘭鼓裏醉春風但聞議價酬明月誰識啼
飢託鞠窮燕雀紛紛巢幕上可看天際有冥鴻

香氣沉濃夢不清況逢方士說長生一從天上傳
黃紙便聽塲中歇玉笙請室歸餘尊獄吏仙班散
後失飛瓊薛公空有閑雞狗誰向嶠函試盜鳴

魏耕廡之子

失記名字

自西江來吳旋往會稽

訪友詩以送之

乍離江右來江左又下吳江向越江雲外鴻飛送
征客林間楓落點蓬窓天涯風俗殊鄉縣蘭臭知
交託異邦歸老竒峰勤著述

代居金精山翠微峯

大文彌

樸衆心降

顧健亭畫龍

畫虎不畫風幽谷虎嘯風自從畫龍先畫雲雲氣
布濩蟠龍身東雲出鱗西露爪馬鬣三駿潤枯槁
健亭贈畫時炎月方燠燠乍懸諸壁聞靈籟曉來
田疇水滿歡耕農畫龍幾欲同真龍何必遠追陳
所翁